

度

支

奏

議

廣文奏議二十六卷

新餉司目錄

題覆東協監視議移山海米豆濟永疏

題覆秦翼明川兵欠餉緣繇疏

題覆查關寧應存原派行守二糧疏

題覆議罰淮安積欠軍餉府官疏

題覆關門馬匹本折銷算冊報餉院疏

題覆山海餉司林玄回奏那用餉銀疏

題覆薊商張鳳習等扣抵侵沒疏

題覆南部考核舊廠郎中魏良槐疏

題覆楚省遼餉府解惟預徵仍從司解疏

題覆清查凌城損失兵馬贖銀充餉疏

題覆昌通援兵填食關寧缺伍額餉疏

題覆黔楚西兵隨關例支月餉疏

題覆寧鎮月米改折省銀充餉疏

度支奏議卷之二十六

太子太保戶部尚書淄青畢自嚴視草

覆東協監視議移山海米豆濟永疏

題爲設法調停以濟軍需事專理新餉山東清吏
司案呈崇禎四年閏十一月初二日奉本部送
戶科抄出監視薊鎮東協太監張國元題前事
內稱竊照永平倉廩空虛河水運塞商賈不至
見盤過倉米三四千石一支卽盡有部發召買
銀兩緣地方殘破之餘所產不足以濟所費况

今調至駐防客兵食費倍之目下米豆價貴未
嘗據倉斗米價每石一兩五錢六分準市斗每
石二兩六七錢也倉斗豆價每石七錢準市斗
每石一兩四五錢也若准戶部發價每米一石
價一兩豆一石價六錢則何人可陪區區才遺
無論撫恤之不暇卽忍而痛徵之原無從出也
臣與撫臣再四籌度惟有那借有餘以濟不足
爲可救急近查山海關見貯米豆甚多米至無
倉可收而豆亦堆積充庾無可支放夫山海置

之有餘而永平三路至剝補無路正可設法變
通之時也合無暫移米萬石豆三萬石以濟然
眉之急而卽以召買之金准作月餉銀兩則軍
民不啻更生矣此一那移間原無誤山海成規
總是以東協濟東協而實爲

聖明省幾許周折軍士得幾許實惠地方受幾許便
益臣與傅宗龍商度上

請懇乞

聖明不以臣等之言爲謬權准於山海所貯米豆那

過米萬石豆三萬石以濟永平三路之窘則疆場幸甚等因本年十一月三十日奉

聖旨戶部酌議速覆欽此欽遵抄出到部送司案查十一月二十八日奉本部送准順天巡撫傅宗龍咨爲永鎮卑虛請發漕糧亟備城守事准戶部咨前事等因到院隨票行永平道卽查永平地方召買時價每米一石用銀若干伍千石通共用銀若干文到立刻查明報院以憑咨請米價去後至十一月二十日據永平道兵備左

政王凝祚呈稱行據盧龍縣知縣張煊申稱隨
喚斗級賈應坤回稱本月初八日集市粟米每
市斗一斗時價錢一百七十文值銀二錢四分
倉斛一石該銀一兩五錢六分等情到縣據此
查得米價隨時消長不能畫一計目前之價倉
斛每石該銀一兩五錢六分往後貴賤亦未可
定今遵時價擬合回報緣繇到道據此爲照永
平需米五千石今奉文發價召買但米價隨時
消長不一往後貴賤亦未可定今據該縣照目

前之價每米一石計銀一兩五錢六分召買
五千石計該銀七千八百兩等因到院據此看
得永鎮需米最亟而從薊轉運甚艱貴部就近
召買之議亦不得已之苦心也第用價七千八
百兩恐未免爲貴部之費以本院計之莫若撥
山海之盈餘者五千石責令永平餉司撥民車
轉運較爲省便等因咨覆到部該本部批永平
米價甚貴召買爲艱今議撥山海之盈餘者亦
若可從但非經題

言不敢輕用且新用腳價運至山海城中不免往還
勞費柰何新餉司查議奉此移咨查議聞今該
監視內臣題奉

明旨下部相應題

請案呈到部看得永平當殘破之餘召買實艱昨十
一月十三日發銀一萬兩委官杜希韓領運召
買該餉司躊躇時值之騰貴不便開銷屢以爲
請而臣部亦念貴賤不甞未敢執定以累地方
但令平價召買或目前量行改折亦可少省浮

費今據監視內臣張國元請撥山海米一萬石
豆三萬石轉運永平與撫臣傅宗龍咨議撥米
五千石意見相合臣部初慮旣費脚價搬入關
城又從關廠移出永地脚價倍費折耗亦多故
咨行酌議今查餉司劉孔敬先經開報運至關
城米豆四萬餘石在海口者米七萬三千七百
石有奇豆一十八萬八百石有奇雖已題令動
支節省銀兩星夜輓運但恐未能一蹴盡歛入
城臣念關永俱當有備合無如內臣撫臣議將

南海口存貯未運米豆撥米一萬石豆二萬石如已盡入關城卽于城內撥發令永平司道轉運鎮路分餉新兵卽以所發召買銀一萬兩抵充腳價有餘改作月餉仍令該撫將永鎮士馬分別新舊約各用本色若干扣筭至明年三月終止據實報部有不足者另行酌議撥補至南海口抵永鎮百八十里所需陸運腳價每石若干聽監視與司道議妥支用完日一體報部銷筭其于殘鎮軍民庶幾兩賴矣旣經具題前來

相應覆

請恭候

命下臣部移文各該衙門遵奉施行

崇禎四年閏十一月初四日具

題本月初七日奉

聖旨依議以後召買銀兩還著按期蚤發以濟急需
欽此

覆秦翼明川兵欠餉緣繇疏

題爲遵

旨查視邊務事專理新餉山東清吏司案呈崇禎四年十一月二十六日閱邸報該監視薊鎮東協太監張國元題前事奉

聖旨這查奏建昌燕河石門三路兵馬牆臺情形及繪進四路邊圖知道了據稱軍多老弱牆多圯缺向來邊臣料理何在好生可恨卽着該督撫上緊着實簡練修葺不得虛應塞責本內川兵衣械不

備何以禦敵至月餉欠三月未支是何緣故著該部明白回奏該衙門知道欽此又該薊遼總督曹文衡題爲川兵糜餉而無濟於用謹酌議汰兵增餉以收實用事內開准順天巡撫傅宗龍會稿看得總兵秦翼明原領川土雜兵一萬名入關之後據報實在者九千名初議選留四千五百名發回四千五百名隨督臣曹文衡差贓畫主事蔡屏周又選留一千五百名以供密雲城守之用應汰歸者尚計三千名今見防燕建二

路者共四千五百名職與監視內臣張國元逐一查點中間老弱頂者凡數百人已行該總兵官再汰去九百名實留三千六百名內以三千爲戰兵六百名爲雜流亦旣名名精強名名實在矣其領兵頭目冗員尚多職等亦行令清查省併矣顧各兵屢經更調甚覺苦疲更無綿甲腦包而月餉較薄不足供餬口之資職與內臣詳議卽以汰兵之餉加給見兵每月每名量增銀三錢連月米共足二兩一錢之數等因會稿

到職該職於未准會稿之先已牌行贊畫主事
蔡屏周將密雲駐防續留川兵一千五百名嚴
爲揀汰選退二百名其餘一千三百名皆係勇
壯正移會撫臣間今撫臣議以所汰之餉加給
見兵責令自製綿甲腦包則密雲所留川兵事
同一體亦應以汰餉照例加給製造綿甲腦包
限三個月製完解驗復汰兵二百名併前汰兵
三千九百名共四千一百名給與役過月餉併
交周之士等管押回川取不致沿途騷擾甘結

無容再計矣獨是冗兵每名加給三錢製綿甲腦包似暫而非嘗也若每月增銀三錢則每兵每月二兩一錢別兵有無厚薄之嫌關係錢糧應聽部議妥貼汰去川土兵共四千一百名每歲省餉六萬有奇是稍抒職等強兵節餉之苦心也等因十一月二十四日奉

聖旨覽奏川兵汰回事情及選留名數知道了據議以汰餉加給見兵責令自備綿甲等項雖屬便計但餉額應有定例暫加後難通行還着該部確酌

具奏欽此又准兵部咨爲核實具奏邊隘虛實之
形併陳戰守一得之愚仰祈

聖鑒速賜裁酌以固巖疆事該監視薊鎮東協太監
張國元題前事內開川兵之調遣只謂其堅忍
耐戰取用一時也以之長久設防則諸兵實窘
於資斧地方又苦于凌霍山海路及中西二協
不堪其擾推而置諸東協迄今三月糧餉纔支
一月臣點視之環而討者踵接又比例討蔬菜
銀不已臣會撫臣謂盡汰其中老弱無用之糧

查派各兵庶我無增餉彼得實益矣於是總兵
秦翼明將各路各口願汰九百名以攤派各軍
各軍于是始無詞其綿甲綿盔俱係陸續自備
用人之際且暫留之以資戰守時勢稍緩終當
撤之使去卽以其糧募練土著爲長久之計如
得算耳至于永平則僅僅烏合之衆千餘自顧
不暇欲令內外應援必不得之數矣懇乞

聖明亟爲添設精兵萬人又於肆戶馬匹撥發三千
日日訓練以備四出應援而永平殘破後庫藏

如洗緩急無從顧請乞發銀數萬兩留貯庫中
不許雜項那借專備邊情急用另發臣操賞銀
兩以備目前操演鼓舞士心等因本年十一月
二十四日奉

聖旨據稱東協最爲要衝宜亟修備禦已有旨了防
兵實主遣客屢經嚴飭乃所募仍無實用援兵何
時得撤殊可痛恨這川兵暫留還責成統領官用
心撫馭其有無凌擾著該部查奏永平抽調旣處
卽作速招補不必另議添設所請馬匹錢糧器械

等項各該衙門量行酌覆其修墻燒荒事情知道了該衙門知道欽此欽遵到部送司案呈到部爲此合咨貴部煩照

明旨內事理卽將所請錢糧從長酌確覆

請量給等因移咨到部送司相應并覆案呈到部該臣等看得秦翼明所領川兵萬名自本年四月出關防寧臣部每月卽以萬人計餉酌發銀一萬四千一百七十一兩三錢三分三厘運寧遠餉司支給官吏庫銀不等兵丁各月支銀一兩

四錢米五斗不願支米者折銀四錢不支並
自八月入關防前據宣遠餉司造報八月已在
寧支訖實在入關防前者止近九千餘名因酌
減爲一萬三千八百四十兩總在薊餉一十四
萬額數之內九月分薊餉通於十月內發完訖
十月分先經運發十一萬兩餘三萬兩因外解
不接具疏

請將捐助銀兩湊發內臣先疏稱川兵三月無餉者
蓋指八月入關至今而言也其實八月分餉業

於寧遠餉司支訖而薊鎮十一月餉槩未運發
總計川兵入防以來止該九十兩月之餉內臣
二疏稱迄今三月糧餉纔支一月則是九月分
餉已支而所未支者僅十月分餉耳在薊鎮餉
司或以川兵出防密永先儘本鎮兵馬支給川
兵姑待餉完而臣部亦未見川兵分防密永確
報以致十月分未領今薊鎮十月分額餉俱已
全發則川兵十月分餉仍當赴薊找支者也督
臣曹文衡疏開防永川兵四千五百名內汰去

老弱九百名防密川兵一千五百名汰去老弱
二百名而以汰餉每名月增見兵三錢連米共
足銀二兩一錢之數令其於三月內自置綿甲
腦包與內臣張國元所奏汰留相同合諸先歲
汰歸三千名數共汰去四千一百名約每歲省
部餉六萬有奇實于缺額有濟但衣械非臣部
職掌而督臣責令三月內辦完再四酌量姑每
名給布花銀五錢其月餉仍照舊一兩四錢不
支塩菜除押回各兵止應給歷過月餉聽前錄

餉司照月支足外密永川兵十一月分餉又經
奏入薊鎮項下俟發銀之日將秦兵月餉照兵
撥發永密二鎮目前先將永平十一月分月餉
二萬兩已爲措發聽其通融散給庶汰歸者塗
次有資而暫留者餉口有定例不致瞻望呼庚
矣至于內臣所請永鎮添兵備餉

明旨止允招補不允添設則永平舊有經制按額索
餉臣部自當照冊給發餉額正缺前山海告急
時撫臣劉宇烈一疏再疏以十萬二十萬爲請

而臣部終未有以應非敢掣肘物力不敷故也
若操賞一項向無額設另發之例查通冒津密
諸鎮皆于節曠還官銀內動支銷筭該內臣似
當照例遇有操賞移文督撫酌議一體支用者
也既經具題及移咨前來相應覆

請恭候

命下臣部移文各該衙門遵奉施行

崇禎四年閏十一月初四日具

題本月初七日奉

聖旨這川兵欠餉緣繇知道了餘俱依議據稱入關
防薊止九千名前在寧遠以萬人計餉是否實數
有無虛冒還著該撫按會同監視查明具奏又兵
少千人該部酌餉止減三百餘兩是何緣故該司
官明白奏來欽此

題查關寧應存原派行守二糧疏

題爲清查應存糧米以濟實用事專理新餉山東
清吏司案呈案查天啓七年八月初一日該本
部前任尚書郭允厚題覆天津巡撫黃運泰督
餉御史劉徽題爲奴兵屢挫思逞防禦宜圖萬
全一疏內開天啓七年分關寧本色米原派七
十三萬石而天津海運自本年二月二十五日
以後陸續措發米糧已至九十三萬八千餘石
內鎮臣題奉

俞旨准截漕糧二十萬石前後共有米一百一十二萬八千餘石則七十三萬石之外尚多運米四十萬八千石係本年額外之物內以十三萬石補屯本以完袁撫請折之局以六萬石作守糧四萬石作行糧分貯關寧非虜薄城下軍奉調援不得擅用此外尚該餘米十七萬八千石當收貯津倉以備八年春運等因天啓七年八月初四日奉

聖旨是欽此欽遵通行在案至崇禎二年十一月初

九日該本部預計三年兵馬應用糧料實數疏
內稱天啓七年八月內於奴兵屢挫一疏題留
米十萬石作行守二糧舊歲預計咨內亦有另
派行糧之議臣部卽以七年題留米抵之未另
派也今行守二糧未有開銷尚應見在量派援
兵行糧四萬石連舊留者應有十四萬石之數
等因題奉

欽依在案崇禎三年十月內准津部程鳳翀咨爲查
明見在米豆數目事內開准閣部孫承宗咨議

撥補覺華島南海口水兵四營透支米石緣繇
該本司前任郎中薛邦瑞案呈查得崇禎二年
關寧額該米六十六萬六千九百二十五石四
斗又班軍米四萬五千石共該米七十一萬一
千九百二十五石四斗本年預計在未經裁汰
之先已照督師前咨派米八十萬九千三百二
十石比經制新額該剩米九萬七千三百九十
四石六斗內除應支閏月米五萬二千六百四
十石外本年實該剩米四萬四千七百五十四

石六斗又天啓七年八月內奴兵屢控一疏備
有行守糧十萬石因其未有開銷此米尙應見
在故于預計崇禎三年疏內關寧止派行糧四
萬石共有十四萬之數今以二年剩米四萬四
千七百五十四石六斗通共有一十八萬四千
五十餘石之米前准閣部咨稱今歲關內行糧
二萬石已經作正支銷訖尙該餘米一十六萬
四千七百五十餘石夫此十萬行守糧原題非
虜薄城下不許擅用今已三載尙無開銷報部

此項米糧自當儲蓄今四營邊支過關門米二萬九千八百八十石索償抵額所有前項米糧儘可完補合行移咨閣部津部并劄關內外司道卽查前項米石作何支銷有無存貯速行報部以便覆核具奏等因呈奉堂批照行去後崇禎四年二月內止據關外餉司雷一鳳呈詳據三廳具覆並未有此米石奉本部批行守糧十萬石關外乃無卷案何也旣無卷案并無錢糧缺額之數從何抵補是可不爲寒心乎新餉司

速查議奉此該本司查得前項米石題派有數
案跡分明豈可化爲烏有合無再行亟催關寧
司道備查前項米石作何開銷津門有無如額
發運庶不致以珠米之膏血盡付狼戾等因呈
奉堂批如議移咨通行查催去後本年七月內
據關內餉司林玄呈據海陸運務永平府通判
臧嗣光呈內稱案照天啓七年分先該督師題
議關內額該米三十五萬石及後內部覆稱樞
輔原定兵一十一萬零三名歲用米六十一萬

三千八百石加內臣標兵六萬石共該米六十七萬三千八百石內除去關外屯本折色十三萬石止該七年實米五十四萬三千八百石關外關內各分二十七萬一千九百石備咨在案故查七年內前任通判張玠申督師餉院文卷備開天啓七年分天津發過頭運二運三運并繼運通倉米總計二十七萬九千三百八十五石八斗四升僅止克七年原派額數故內部雖有行守二糧題

請之名而津部實未另發有某爲行糧某爲守糧之
字樣張通判俱已通融支放並未有另貯何處
且津運有數實收有數天津餉道俱可按冊而
查該中書郭萬程具呈文卷在案今蒙前因遵
將天啓七年崇禎元二三年收放數目造冊呈
送到司該職查得崇禎三年爲軍糧不足至預
支過四年漕米五萬石其數餘剩可知至于行
守糧數至十萬諒無敢有盡行乾沒總無踪跡
之理事在七年當時恐是子虛之數等因呈覆

到部奉批司查爲照事開軍糧舊章十倉舊章
文移往返終難清楚相應具題請

旨責令津部并開寧督撫司道通將天啓七年起至
崇禎三年止凡從津門運發并開寧收放各數
目逐一徹底清查要見天津發運之數與本部
題發之數及開寧實收實放之數合盤銷案此
項方有歸落等因案呈到部該臣等看得軍興
煩費召買維艱折色尚可惟宜濟急而本色不
能咄嗟立辦據該司所開大啓七年原題開寧

行守糧十萬石崇禎二三年餘米行糧六萬餘石屢經查催未報銷筭是不可不一窮究根因者或題而未發或發而未足或已發足而行守混支苦無清數皆不可知然自七年起至三年止漕糧遼米原有定數撥運收支亦有定額合而筭之虛實多寡自難隱瞞事關軍需相應請津部督撫諸臣兜底打算分年順月開列發運收放數目報查要見行守二糧曾否分撥有無侵隱庶錢糧得以清楚而顆粒皆歸實用矣既經

該司案呈前來相應題

請恭候

命下臣部移文各該衙門遵奉施行

崇禎四年閏十一月初七日具

題本月初十日奉

聖旨關寧本色輸運甚艱乃應存數至十六萬石竟
無歸著該部向時何不奏明僅以文移聽其支抵
卽着嚴行津部及關寧督撫司道將天啓七年赴
至崇禎三年止發運若干實收若干支放若干限

月挨查合盤銷算務得確實根繇明白具奏如敢
隱徇朦欺經承各官重治不宥還立限與他前翟
世顯以假弁侵糧一萬八千石奉旨已久曾否追
完如何玩延不結并著翟鳳翀自行回奏欽此

議罰淮安積欠軍餉府官疏

題爲遵

旨回奏事專理新餉山東清吏司察呈崇禎四年九月二十六日奉本部送戶科抄出鳳陽巡撫李待問題前事據淮海兵備副使周汝璣呈據淮安府呈稱淮安府軍餉自天啓元年至天啓七年止共那借至一十二萬三百一十三兩零似乎那移甚多但查其收支數目支過七十六萬七千七百八十七兩零止收過六十四萬七千

四百七十三兩零則所收原不足所支故不得不那以救然眉也況按兵計餉原有定額自天啓元年裁去

夏稅七千二百兩船稅七百兩廟灣稅九百七十餘兩則一年缺餉八千八百七十餘兩矣兵不減而餉先裁安得不那又況淮安灾疲日甚本屬歷來拖欠既多而又鳳滁等府州協濟不完屬又難催徵所以年年那借各項錢糧非至萬餘不能果三軍之腹也自巡撫李部院到任遷

痛淮庫那借之積弊清查管兵員濫之相沿汰
冗雜嚴催檄而兵既不浮於餉以故自崇禎元
年以正收正支毫無那借且能爲往年補那借
之項至五千有奇也其有任多而借少者知府
宋統殷宋祖舜署印同知張元弼也宋統殷自
天啓元年正月初一日起至二年九月十八日
止共計一年十箇月借銀一萬八千九百一十
二兩零宋祖舜自三年六月初十日起至六年
閏六月二十七日止共計三年三箇月借銀二

積欠一千一百一十五兩二錢張元鼎以七年八
月初一日署印至十一月二十日止共計三箇
月零十九日借銀五千三百四十八兩五錢零
有佳少而借多者知府沈振龍許令典署印同
知方尚祖李謙亨推官秦毓秀也沈振龍以二
年九月十九日到任至三年三月二十七日止
共計六箇月零八日借銀二萬三千三百六十
六兩九錢零許令典以六年八月二十七日到
任至七年正月二十日止共計四箇月零二十

三日借銀一萬九千八百九十五兩六錢五分
祖以六年閏六月一十八日署印至八月二十
六日止計一箇月零二十九日借銀一萬五千
九百九十六兩七錢零李謙亨以三年三月二
十八日署印至六月初九日止計二箇月零十
日借銀八千六百七十一兩零秦毓秀以七年
十一月二十一日署印至十二月二十日止計
一箇月借銀五千四十二兩三錢零總而計之
宋統殷之那借因元年白蓮煽禍增兵買馬宋

祖舜之那借因三年水旱並災各屬極大此勢
之不得不借者也至于沈振龍許令典方尚祖
中廉中典統秀之那借雖云較多但皆受事未
幾適值放軍餉之期而類解不至因而那借湊
給迨一謝事而後人不肖了前人之局遂至借
項久懸耳總之錢糧以管收除在四柱爲清查
如收支不對卽借少亦有侵欺如收支相同卽
借多總因拖欠細查各官任內舊管新收較之
開除數目原無弊竇祇因昔年

功令頗寬催徵稍緩而軍餉按月計日分毫難欠
少有不繼卽釀脫巾故各官亦但顧目前之急
而不知至于今欠項莫補也今自崇禎元年以
後毫無那借則從前之積弊一清而錢糧各歸
各項矣相應照舊造冊呈詳等因到道轉詳到
臣該臣會同巡按直隸監察御史史堃議照淮
北各營兵餉其始未嘗不足也自天啓元年
皇船等稅歲裁銀八千八百餘兩又有東省遭妖之
變患切剝膚調兵買馬取費頗鉅而借支遂從

奏議
茲始兼以淮屬歲逢災沴徵解不前各屬協濟
愆期追呼靡及逋者與額而俱失借者與日而
俱多非法也該臣具疏題明蒙

皇上著府官挨年備查頃知府呂竒策查明回

奏伏奉

明旨著臣等再行核實臣凜惟

明命敢不矢公矢慎備細查核先以歲所入數逐項
勾稽又以歲所給數按月互覈再以借過實銀
證以各欠實項四柱總撤磨勘分明委無他弊

其任久而借少者實因時值偶豐各屬徵解源
源藉此關支借數遂少其任淺而借多者實因
時當其訕各處催解不至艱于支應而借數遂
多總因各解之盈縮爲借支之多寡所處之時
不同而所借之數迥異至于中亦有不借者揆
厥所繇或承前官給餉之後不煩再支或遇各
解偶集之時僅能抵給非官有他巧餉可停支
也迨知府董允升在事之日適臣蒞任之初目
擊支吾之孔艱慮厯那移之曷已惟有清汰浮

冗無俾濫冒嚴催徵解無俾通遺必刻覈之不
辭或補救之可及自崇禎元年以至于今幸免
那借又催解前欠以補舊額計五千有奇職此
之故要以七年之間往事因循人情積玩望餉
之衆迫其不得不支發餉之時窮於不得不借
日復一日愈借愈多前借者已如逝水之波後
借者竟蹈覆車之轍實數實情自是如此臣等
剔弊有心不敢于此中有所扶同而卷案甚悉
亦安能於此外有所指據也等因本年九月二

十五日奉

聖旨據奏兵餉那借宋統殷時值蓮妖宋祖舜年惟
水旱尚任久借少則沈振龍等任淺借多情獎顯
然何得曲爲徇飾著該部詳核叅看來說欽此欽
遵抄出到部送司相應酌覆案呈到部該臣等
看得錢糧最禁那移而况那移遼餉至急之軍
儲誠有難爲該地方官解者備查疏中始末通
計淮安府軍餉自天啓元年正月起至天啓七
年終止共收銀六十四萬七千四百七十三兩

六錢二分零共支放過銀七十六萬七千七百
八十七兩五錢三分零內因所收不敷所支共
那借過邊餉漕折等項銀一十二萬三百一十
三兩九錢一分自崇禎元年以後知府董允升
收過天啓年間未完軍餉補還原借銀共五千
四百四十九兩三錢六分九厘六毫實欠原借
銀一十一萬四千八百六十四兩五錢四分三
厘八毫內如知府宋統殷宋祖舜署印同知張
元弼任久借少且時值兵荒已虧

聖鑒無容更議矣所有任淺借多名官如知府沈振
龍許令典署印同知方尚祖李謙亨推官秦毓
秀查其收除借支數目相符則錢糧已有著落
自無侵漁之弊縱使間有隱情而事遠人非又
從何處追求矧查秦毓秀久已病故沈振龍察
處爲民許令典察處致仕李謙亨告病回籍所
得指而議者惟署印同知方尚祖一人耳本官
先陞南治中繼轉北刑部廣西司員外郎今亦
被察降任亳州原署府印一箇月零二十九日

借銀一萬五千九百九十六兩七錢零按疏中
支銷已明別無染指應於見任再行降職二級
管事以示懲創者也其各項錢糧責成見任經
管官上緊催補係隣境協濟拖欠不完者申詳
彼處撫按勒限起解仍前觀望照例叅罰庶幾
失之東隅猶可收之桑榆耳既經具題前來相
應覆

兩恭候

命下臣部移文各該衙門遵奉施行

崇禎四年閏十一月初十日具

題本月十二日奉

聖旨方尚祖但說降任亳州的係何官許令典任淺
借多李謙亨尚在告病豈應不調還一併查議具
奏其錢根責成見任官作速催補協濟的該撫按
勒限起解違玩叅罰俱依議行欽此

覆關門馬匹本折銷算冊報餉院疏

題爲酌定本年冬春關門馬草束數目祈

勅乘時發銀料理買運以便芻秣以資撻伐事專理
新餉山東清吏司案呈崇禎四年十一月二十
九日奉本部送戶科抄出津部翟鳳翀題前事
內開臣職司督餉馬缺料草則預計派買不敢
後時催督轉輸不遺餘力至於數目多寡則皆
以閣部咨定之額爲準蒙

皇上詰問馬匹缺額太多向來作何買補立何程限

聖慮淵微孰知衝鋒破敵之不可無馬而又欲設法
買補之及期所爲邊疆計甚周據道臣楊嗣昌
詳稱馬匹缺額市買艱難搜括開庫馬價朋椿
等銀萬兩要遣官赴西寧等處易買又以倥傯
無暇想此番牧凌之役戰馬損失愈多特請馬
價特遣專官勢不容緩應聽遣撫奏

請施行臣不敢越俎而與若夫本折支銷應如道
臣議按季冊報餉院查覈因馬以知草數復因
草以知馬數兩無虛冒之弊矣臣謹會同督撫

御史吳煥合詞回

奏等因本年十一月二十七日奉

聖旨該部酌議具覆這本內楊嗣昌所說買馬事情頗爲詳明據稱宣大馬畜被插箇禁遏以致遠買西馬殊多不便今插旣就撫自當遵順中國如何番商馬市歷來舊例輒敢阻格着該撫嚴飭王世忠設法諭譬仍復前規兵部卽行傳知欽此欽遵兵科外抄到部送司案查本年八月初四日該本部題覆督餉御史吳煥天津部院翟鳳翀會

題前事議覆關門召買草束緣錄本年八月初
七日奉

聖旨邊鎮索補馬匹輒稱缺額甚多及支給料價每
欲全額取盈此係相沿習弊亟宜清釐關門冬春
草料依議據見在馬數再加寬算發銀三萬六千
兩給該餉司轉發其查核欺冒追比舊欠等事俱
如議飭行以後該鎮買到馬若干需料若干通着
陸續奏明以憑查給本內缺馬俱缺馬改正行欽
此通行遵照在案今該津部回

奏前因除買馬事情一節聽兵部奉行外所有管
伍本折支銷季報餉院事宜相應議覆案呈到
部該臣等看得關門馬草就見在馬騾三千九
十六匹頭隻計之買草一百萬束除折乾放青
尚多餘草臣部因道臣楊嗣昌以草待馬之議
又加買二十萬束題發銀三萬六千兩及時平
買可無缺秣即使市補盈廩而目下嘗山損失
者又有餘草以待之矣惟是買草莫非餉銀卽
發銀亦經餉臣掛號而本折銷算餉臣應得與

聞今如道臣議每月收支本折俱造冊送督餉御史查覈一如兵餉查覈科例至道臣所云無馬兵丁銀自三年九月至四年七月止該銀三萬有奇內部發餉逾期該司那用未補卽餉司林玄任內冊報二萬四千七百七十三兩二錢者是也查此項那用銀兩該司已于我補餉銀內盡數扣還貯存關庫以備買馬之用則道臣所望急救燃眉者慮無不應手矣旣經具題前來相應覆

請恭候

命下臣部移文各該衙門遵奉施行

崇禎四年閏十一月十六日具

題本月十八日奉

聖旨馬匹本折銷算按季冊報督餉御史查覈依議
其林玄扣抵無馬兵丁銀兩是否見貯有無買馬
着關撫會同監視查明具奏欽此

覆山海餉司林玄回奏那用餉銀疏

題爲遵

旨查奏大同年例併山海找補舊欠銀兩仰祈

聖鑒事該戶科抄出差回山海餉司署郎中事主事

林玄奏前事等因本年閏十一月十一日奉

聖旨黔兵原食關兵缺額之餉如何稱多於前額顯

屬支餉併無馬兵丁銀兩那移扣抵事情著該部

堂上官一併查核奏奪欽此欽遵抄出到部臣等

查得許成名所領入衛貴州官兵一千二百員

名於崇禎三年六月初旬調防冷口在永支給
塩菜無缺十月中閣部孫承宗遼撫丘禾嘉題
補山海鎮車步營缺糧臣部議照開兵例月支
一兩八錢停其塩菜該鎮旣不肯缺塩菜而又
欲兼支行月且欲補支從七月起停延積旬不
赴該道報冊掛號該餉司亦無憑請給於是許
成名奏

兩月餉有兵飢自縊之語隨該臣部議覆奉

旨令該鎮司道冊奏續該臣部覆議月餉斷自十月

初一日爲始因貼防冷口仍又鹽菜至四關之日止給月糧等因四年三月初八日奉

聖旨驗兵月餉補食開寧依議自十月初一爲始其
鹽菜始以貼防兼支俟四關日停給前林玄疏稱
管缺兵額餉該部已經扣截還著查明措補
此該鎮始赴道掛號赴司補領十月起至二
月分糧共該領銀八千七百餘兩是前此尚未
嘗食關餉也時臣部以省直各官

覘回解稀未及措補該餉司迫於呼索不得不權宜

借動是黔兵雖補食車步營缺伍而臣部於關
兵之餉只照見在解發原未嘗發有車步營缺
兵之餉此該司所以稱關兵之多於前額也黔
兵缺餉借支始末具在本年三月內一餉不能
兩顧中可覆按者臣查該鎮正二三月每月題
發銀四萬三千三百四十餘兩而該鎮正月放
至四萬六千六百餘兩二月放至五萬二千八
百四十餘兩三月放至五萬一千九百八十兩
零那借之因已見於此至四月分始題發四萬

八千餘兩以補黔兵班軍之額然止能敷見月
正餉而前後缺餉終未能足此林玄所以任滿
而有積欠一萬六千一百二十餘兩找補之請
也該司任內一應收放餉冊昨俟送總理內臣
查覈據總理疏中亦稱收放之數相符至於缺
馬兵丁銀兩一項自三年九月內奉

旨扣至四年七月止共銀二萬四千七百七十三兩
二錢俱經補足見貯閑庫應聽督撫動支買馬
昨津部翟鳳翀酌定本年冬春閑門馬匹等事

一疏內開道臣楊嗣昌呈稱關門缺馬兵丁一
項自三年九月爲始至今存二萬有奇內部發
餉逾期該司那解未補所望以救然眉者惟此
而已觀此數語又足證那用之非虛而扣還之
爲確矣該餉司林玄似應仰徵

聖恩寬假聽臣部另行考核者也既奉查核奏奪之
旨相應覆

請恭候

命下臣部遵奉施行

崇禎四年閏十一月十七日具

題本月二十日奉

聖旨知道了林玄著照例考核欽此

覆薊商張鳳習等扣抵侵沒疏

題爲直陳蠹餉之源酌議釐革之法懇祈

聖旨嚴行申禁以祛積弊以蘇軍困事專理新餉山東清吏司案呈崇禎四年十一月二十八日奉本部送戶科抄出刑部尚書胡應台題覆巡按御史甘學濶題前事內開看得邊儲之近多耗蠹者奸役奸商其一也張鳳習胡雲所等賍銀至三萬一千七百八十六兩不爲不多矣比追數年雲所等斃獄及虜騎闖入而又死亡過半

見存商人僅鳳習等四人耳據報鳳習等見追及抵兌二項足當原數其餘逃死者竟不能問之杳冥矣

國家金錢寧堪此輩之蠹蝕耶唯是鳳習等苦稱乾沒銀七千五百九十兩卽在尅扣之內一事兩贓不堪重賅遽難憑信業經按臣駁追自願以墊過應發之銀抵見追之贓旣查有的據亦情理可通第據四犯分認之數不過二千三百四十兩如逃亡之盧承惠等尚該銀五千餘兩

又難以他人之物代爲之抵似宜止坐四商應
追之數爲法之平若以疊贓之言旣難准信而
分認之說亦出諸商必欲責見在以全追就應
給以盡抵卽該撫按尚未有定執臣等又何能
遙度伏乞

勅下該撫按確覈情法仍按律例議罪以俟

聖裁等因本年十一月二十五日奉

聖旨各犯贓銀全數扣抵張鳳習前因提質已有旨
該部確擬其李中耀等三犯前後招辭有無到部

應否分擬還查明速奏欽此欽遵分抄到部送司
除擬議刑名聽刑部議覆外案查崇禎二年十
月十二日奉本部送戶科抄出薊州糧儲郎中
何朝宗奏爲奸商蠹餉數饒伏乞

聖明勅憲法衙門追究以杜漏卮仍從長計餉以備
緩急事內開先是崇禎元年以前薊鎮十三倉
米豆草料未議改折每年僉報商人召買日久
弊生交通暗耗各商有領銀到手而粒米寸草
未交者有僅交些須塞責而餘盡白吞者見今

拖騙銀數聶廷璋則以八千餘兩計劉芳則以
五千兩計而三千二千餘兩者則有若李中耀
劉光先侯光先三人一千餘兩數百兩者則有
若李賓陳藝極陳一典徐來聘徐應高張維董
叙蔡洪馬登儁九人而張鳳習劉世奉則共欠
一萬二千兩有餘雖有坐放數目而未赴對明
者也宋文炳劉昌嗣則各欠二千一千兩不等
雖有續完數目而未赴銷算者也蓋繇前此司
餉者不加察比任各商或通同吏書以作奸或

央求私書爲請託將餉銀隨領隨給毫不作難
致商人銀一到手彼此瓜分厥後欠而復領領
而復欠堆積及今至以三萬餘千兩盡歸烏有
前撫臣僅知各商領銀歸囊不盡買本色中間
私以折數給兵致將各商坐贓

奏報抑孰知其

欽贓之外騙去邊餉至三萬餘千兩乎今各商爲追
欽贓業已皮毛之將盡而前銀三萬餘兩豈宜水太
之空投伏乞

天威將已革騙餉各商行撫道憲法衙門按法追究
等因本年十月初十日奉

聖旨這奏內騙餉各商著該撫按嚴行該道追究具
奏其該鎮召買本色新兵補給月餉及津門預糴
料豆額發銀兩各與措給該部知道欽此欽遵抄
出到部送司隨卽呈堂移咨順天巡撫并都察
院轉行順天巡按御史嚴行究追去後崇禎四
年四月二十六日奉本部送戶科抄出巡按直
隸監察御史甘學濶題前事內開行據該道左

應選查得聶廷璋等十一商積逋餉金二萬三千餘兩此軍

國之大蠹其爲罪無解其于法無容者也乃以導人羈遵獄彼時賊攻城陷鮮有不及于難者而况以析楊之身困在囹中者乎緝訪至今並其家屬杳無下落所有騙餉竟亦窮于莫可追陪至於張鳳習劉世奉宋文炳李中耀李賓蔡洪共在縲紲之中以前道賈克忠查有坐放續放之數疎保回薊得幸而免及核所原領新舊餉

銀除李中耀止欠七錢二分外張鳳習等五人
墊過多至一萬三千五百有奇此其事似令人
難信然而部發印冊確有可憑此臣等所爲駁
查磨勘至三至四不敢任其朦飾者也等因本
年四月二十五日奉

聖旨珥廷璋張鳳習等皆係追餉奸商乃未獲者以
虜戕爲解見在者遂墊過多金情理似難輕信且
各犯豈無一二親戚散處他方至印信文冊近來
尤多詐僞還著嚴緝確查具奏該部知道欽此欽

遵續經行查去後本年七月十九日又奉本部
送戶科抄出甘學濶題前事內開六月二十六
日據李雲衢覆稱各商除逃亡各犯聽貴院行
道嚴緝外其遽墜多金卷查各商支放糧草冊
籍并月報內委有墊放米豆草束者先該前任
餉司查發薊州查對銷算外今本司責令經承
再四磨勘墊放多金委無矛盾今准前因理合
造冊會覆等因前來臣猶恐未確再行會查今
於七月初九日復據餉司李雲衢手本開列張

鳳習劉世奉多墊過一萬五十七兩五錢九分
九厘二毫七絲五微宋文炳多墊過一千七百
八十八兩九錢八分四毫八絲六微總共多墊
過一萬一千八百四十六兩五錢七分九厘七
毫五絲一忽一微等因到臣該臣會同順天巡
撫傅宗龍看得聶廷璋等侵盜軍儲死有剩罪
乃已獲而禁于囹圄因亂而化爲烏有屢檄嚴
查及今日而查緝之法窮矣若夫各犯親戚星
散匿處有所訪獲結此

欽案詎不地方一厚幸哉顧設法躡探踪跡杳杳蓋以遵城擾攘干戈竟亦莫測其所自終也至見在張鳳習等坐放續放多一萬一千八百四十兩有奇奚以故蓋奸商行徑乘急預墊竊希倍償不期事犯虛願徒奢然其月報印冊發自戶部非出自鳳習諸棍之手無從飾僞而況以司餉之官核所司之餉未有不確然者則多墊之數該道之稽核猶差而該司之清查已的似又無所容其僞矣等因本年七月十七日奉

聖旨戶部知道欽此又該甘學澗題爲直陳蠹餉之
源酌議厘革之法等事內開該臣會同順天巡
撫傅宗龍看得奸書胡雲所等奸商張鳳習等
賍銀三萬一千七百八十六兩七錢零內有乾
沒銀七千五百九十兩衆犯訴前按臣陳賡謨
行查以來屢稱疊賍未敢遽信似難盡豁仍應
核數嚴追至于各犯扣剋詐索原賍分數已定
者如見在張鳳習李中耀蔡洪崔三元并中軍
張俊五犯共該賍銀八千二百九十九兩二錢

八分七厘三毫五絲二忽四微贖銀一百二十四兩一錢今查其贖除以腳價抵兌二十四兩四錢九分九厘二毫八絲六忽六微止實完二十五兩一錢九分五厘八毫四絲尚欠七十六兩四錢四厘八毫七絲三忽四微其贖除以腳價抵兌四千四百五十兩三錢三分七毫一絲三忽四微實完三千六百七十三兩九錢三分四厘一毫六絲尚欠一百七十五兩已經補撥臣王元雅動取三千九百四十二兩七錢一分

以佐軍餉此中支數反多於收數想各犯交納之銀當時尚不止此祇緣人亡卷廢莫可確查耳目今止有事平以後續追欠贓一百七十五兩見在至是而鳳習等五犯扣剋詐索之贓已完盡矣餘如胡雲所王仕龍施文教三犯共該贓銀九千八百六兩一錢二分則未亂之先又沉獄底無可催追如盧承惠王道明黑林冒等一十三人共該贓銀六千九十一兩三錢二分六毫五絲彼時羈候遵化城陷未卜逃亡不次

查緝至今無踪金其家屬亦莫可問何從追補
又所有生死各商共乾沒銀七千五百九十兩
見今止存張鳳習等四犯卽不可信以爲叠贓
而刑比至今竟難陪納查有張鳳習蔡洪等別
案內多墊過米豆價銀一萬有餘覆核已確或
責令照七千五百九十兩并欠贖銀盡數扣抵
或照十三商分派見存四商應追二千三百四
十兩并其欠贖如數扣抵仰惟

皇上裁奪非臣所敢擅議也等因本年七月二十一

日奉

聖主日該部核議具覆欽此覈議間因刑部見將張俊
張鳳習提問是以案候未覆今該刑部審明具
奏奉

旨下部除確擬分擬事情聽刑部議覆外所有扣抵
乾沒一節相應查覆案呈到部該臣等看得張
鳳習等十三人共該乾沒贓銀七千五百九十
兩撫按疏派每人該追五百八十五兩內見存
者止張鳳習李中耀蔡洪崔三元四人共該追

二千三百四十兩其餘九人俱於遵城陷亡已
無可追今撫按議以張鳳習等墊發過銀一萬
一千八百四十六兩五錢七分九厘七毫五絲
一忽一微內或止扣見存或存亡全扣兩請具
奏該臣備查撫按會疏內稱張鳳習等多墊過
米豆草束銀兩屢經司道再四會查明的收領
案卷又各有確據墊發既實臣亦無辭以杜其
扣抵矣惟是以見在之多墊代完死陷之應追
張鳳習等之私心固所不甘然既係同事同駐

何能再爲姑息似難以存亡分認復遺不結之局旣經刑部訊覆奉有全數扣抵之

明旨則乾沒贓銀七千五百九十兩并查其所欠贖銀應於前項多墊過銀內如數扣抵以遵

明旨以銷前件似已無容議矣至於多墊銀兩除扣抵外餘銀例應找還各商惟是各商情罪深重得不斃於囹圄奴虜已厚幸矣亦當并停找支以絕葛藤者也至張鳳習等情罪并李中耀等應否分擬事在刑部爲政非臣部所敢越俎者

矣既經具題前來相應覆

請恭候

命下臣部移文各該衙門遵奉施行

崇禎四年閏十一月十八日具

題本月二十一日奉

聖旨是述旨確字訛額改正行欽此

覆南部考核舊廠郎中魏良槐疏

題爲南計愈窘南鑄宜急謹嘔心詳議簡要可行
請

旨嚴飭以裨實用以補鑄漏事專理新餉山東清吏
司案呈崇禎四年十一月二十八日奉本部送
戶科抄出南京戶部尚書鄭三俊等題前事內
開江西司案呈本年五月初九日奉本部送准
戶部咨開先該本部題前事三月初九日奉

聖旨據奏鼓鑄利饒若得本銀四萬八千兩亦可粗

辦前議楚餉倉銀如何不遵旨解部着嚴催接濟
以裕用儲考核司官卽以獲息多寡有無釐弊爲
優劣其還本奏報事宜聽該部酌處欽此欽遵除
催本接濟考核司官等項事宜聽南部奉行外
所有還本

奏報事宜該北部酌覆內稱還本之說則有不
拘拘者夫鼓鑄原爲兵餉補不足若以待哺者
而反供久假恐未得其濟而先滋之滯盡若隨
借隨還亦如借俸糧法暫以兵餉佐鑄本旋以

銅錢克兵餉循環輪轉惟取息以培本無壅本
以虧額於鑄有裨於餉無損兩相通而兩相爲
用若然卽借之名不立亦可而何有於還還何
必限以年哉至於月奏之議及查疏稱自三年
七月開鑄起至年終止舊廠鑄過五鑄新廠雖
銅鉛不繼亦鑄過四鑄是止患銅本之不湊使
良工手閒於技癢斷不患工作之不時致火候
妄費夫居諸而寬令一季一報省道里之奔波
以養鼓鑄之全力似當俯從南計臣之

請而近地不得援以爲例者也等因覆奉

聖旨依議欽此欽遵備咨到部送司稟堂奉批抄案
通行奉此除將楚餉移付湖廣司嚴催還本行
銀庫遵照外至於季報今雖逾期而該廠司官
業已差滿近奉

明旨考核似應於疏內一併奏報今奉本部送據監
督鑄錢廣西清吏司郎中魏良槐呈稱本職奉
劄委管府軍舊廠於崇禎三年七月十五日到
任隨於十九日開鑄起至崇禎四年七月二十

五日止任內前後共領過鑄本銀二萬九百六十七兩一錢三分二厘二毫九絲四忽五微五纖鑄過

制錢十二鑄并試鑄共錢一萬八千九百七十二萬五千七百七十七文內除放過炭罐工食等項錢一千七百三十四萬九千一百一十五文不算外又陸續代銀庫支放過官俸軍糧商價錢五千湊九十四萬一千一百六十一文又實放銅鉛價錢六千六百四十三萬七千四百五十

六文通換庫銀仍充鑄本外實在廠交代錢四千四百九十九萬八千零四十五文每錢一千零六十文作銀一兩共值銀四萬二千四百五十兩九錢八分六厘二絲四忽五微五纖又銀八百二十二兩九錢零二厘通共銀錢共見在銀四萬三千二百七十三兩八錢八分八厘二絲四忽五微五纖內除還原本銀二萬零九百六十七兩一錢三分二厘二毫九絲四忽五微五纖外淨獲利銀二萬二千三百零六兩七錢

五分五厘七毫三絲今照本職一任差滿理合
造冊呈報伏乞

奏繳施行等因到部奉批江西司銀庫核查冊報
送司奉此隨該本司郎中畢生輝會同銀庫主
事譚先哲逐一磨算相同另冊報堂外今本官
差滿將管過一年本利明白備開在冊例應考
核案呈到部該臣等看得本官通達之識敏練
之才督鑄一年獲利二萬二千餘金皆從前之
未有者非其苦心屢剔竭力經營何以臻此本

部提標露肘之時得此殊爲有濟成勞可紀應
照原題叙錄稱職應復職謹遵例具題考核伏
乞

勅下戶部再加查議如果本官鑄利倍於往昔相應
查照原題優叙紀錄等因本年十一月二十四
日奉

聖旨戶部知道欽此欽遵抄出到部送司查得南京
監督舊廠鑄錢廣西清吏司郎中魏良槐自崇
禎三年七月十五日到任于十九日開鑄起至

崇禎四年七月二十五日止任內共領過鑄本銀二萬九百六十七兩一錢三分零共鑄過錢一萬八千九百七十二萬五千七百七十七文內除給發工料併還原本外計淨獲利銀二萬二千三百零六兩七錢五分零今既一年差滿相應具題考核案呈到部該臣等看得南計值匱乏之日兩廠金鑄計期課息誠非饒有心計之臣未易辦者該監督舊廠鑄錢廣西司郎中魏良槐以二萬九百餘兩之鑄本僅及一年獲

息至倍非潔守敏才何克臻此相應如南計臣
議准其復職仍

勅吏部紀錄以爲任事者勸旣經南部具題前來相
應覆

請恭候

命下臣部移咨南部并咨吏部遵奉施行

崇禎四年閏十一月二十一日具

題本月二十八日奉

聖旨是欽此

覆楚省遼餉府解惟預徵仍從司解疏

題爲解餉之法中變考成之法宜嚴據實題明以便責成事專理新餉山東清吏司案呈崇禎四年十一月二十九日奉本部送戶科抄出湖廣巡撫魏光緒題前事內開該臣會同撫治鄖陽右僉都御史蔣允儀巡按湖廣監察御史白士麟看得餉銀之改從府解也以各屬向多延緩故欲使該府徑自達部而遲速完欠之故得以直捷查問也然而法令一變銀不到司批不赴

院反令臣等無憑稽覈而且郡多缺員半俱代
署無論法令有所不行而才幹亦未必能濟矣
雖臣等照嘗嚴督不敢少緩責令開報不許遲
延而中間抗玩者等文移於高閣黠猾者以規
報爲固然查勘往返之間反得行其羈延躲閃
之智而緊急軍需轉更成妨廢矣近日邊報緊
急需餉甚殷除在等差役坐催及責成該道嚴
切催解外謹將各府道印官職名開送部科伏
乞

勅下戶部餉院等衙門凡各府解到餉銀儻有遲緩
不及分數者徑自叅罰道府而稍寬該司以不
及照管之罪其平嘗行文督催除部文仍行臣
等衙門外餉院文移亦卽徑下該道府庶彼視
爲切身之責靡可逃遁而臣等督趣稽覈亦併
從容而不相妨矣至于天啟六七崇禎元二年
舊欠黔餉應征解京者臣已認限十二月今尚
毫無報解備有違誤併乞

勅部查照職名徑自刑治等因本年十一月二十七

附奉

聖旨該部查議具奏欽此又該督餉御史吳煥題爲
楚餉改司解爲府解欲速反遲終渙散難行恐
有誤違儲特祈

聖鑒下部詳酌畫一以濟急需事內稱楚餉歲該五
十一萬有奇該司節次解過三十五萬有奇自
改府解之後各府輸將絕無一到部者臣已分
差各役檄府嚴催將來叅罰決不少貸然欲緊
行催府則地方遼濶目亦不給况該司總解則

稽查頗易若有司各自零星散解則頭緒紛然
奸弊叢起恐亦難于查覈畢竟因噎廢食法終
難行頃接該省撫臣魏光緒摺稱疏請

勅行責成道府稍寬司罰誠有不得已者乞

皇上下部詳爲酌議改司解爲府解果否便益倘不
如仍責成布政司督催徵解之爲便或容令改
正至於欲防該司那移之弊徑令各府將解過
到司日期并取實收各自造冊達部及臣衙門
查驗如是則府已完者司必不敢隱溷那移府

未先者司始得嚴檄催督司與府兩不得諉卸
誤事卽如近畿州縣預徵三分似亦宜專責之
司府蓋去歲首開預徵之令適當各官入

覲之時故到京皆有定期州縣可以帶解今若仍舊
例令州縣自解則司府無權必至稽延不齊積
散無統一時緊急何以接濟等因本年閏十一

月初七日奉

聖旨前部覆唐暉疏以府解徑捷已如議允行今又
這等說明宜候夏豐成政體府官解餉違限酌量

吳煥照例叅處其責成預徵事宜該部確酌具覆
欽此欽遵抄出到部送司相應議覆案呈到部
該臣等看得錢糧筭于藩司故司府叅罰與州
縣共嚴惟是那移停解往往州縣解司而橫被
叅罰故催餉寺臣唐暉條爲府解之議臣部亦
已覆行乃楚省新舊加派除餉黔二十萬外應
解部銀四十九萬有奇而襍項在外該司已解
正襍三十餘萬而各府無一徑到部者司催則
藉口府解部叅則司代府罰此撫按魏光緒等

所以有徑叅道府稍寬該司之

請而餉臣吳煥因有零星起解難于稽查州縣自解則司府無權之議也然臣部覆疏原云各府徑解府原不得怠緩卽司道身任鈐轄催督之責亦難他諉惟于所屬府分責令備造經管職名完欠青冊按季送部仍檄取解部實收批廻勒限查驗有不如數如期者將府州縣職名揭報臣部餉院坐名指叅則司可稍從寬政若無職名恐該司道亦難云不關切也至預征三分餉

臣既稱時非入

覲帶解不前則省直催趨彙解自應仍責之司府庶
緩急有濟耳如楚撫所稱天啟六七崇禎元二
年舊欠黔餉原限十二月到京過期不解見任
知府州縣官自應列名叅罰不得稍從寬假矣
既經具題前來相應覆

請恭候

命下臣部移文各該衙門遵奉施行

崇禎四年閏十一月二十三日具

慶支奏議

題本月二十六日奉

聖旨府解原杜那移至督催稽核司道豈容卸諉今
後着查明各屬完欠職名按季報部以憑叅罰如
隱徇不報一體並治其預徵銀兩并舊欠黔餉俱
着該撫按勒限嚴催如數完解違玩的指名叅來
重處欽此

覆清查凌城損失兵馬曠銀充餉疏

題爲援師東潰實數宜覈伏乞

聖明勅下關臣查奏以振諱敗之習以防冒餉之漸
以張再舉之威事專理新餉山東清吏司案呈
崇禎四年閏十一月初七日奉本部送戶科抄
出直隸巡按監察御史王道直題前事內開臣
愚計兵馬有缺額糧料有曠日計部覩此必因
以截曠扣餉但各處單虛額兵宜足臣見已檄
行各鎮道將作速補額其曠銀斷難扣除卽留

軍前爲招兵買馬造器之用等因開坐寧前關
內永平遵化密雲五道等處原調援凌及見存
陣亡各官兵數目具題本年閏十一月初四日
奉

聖旨國家十餘年來物力全注遼薊正欲實圖恢勦
乃狡奴入犯一戰輒潰據奏損失士馬幾半盔甲
器械殆盡邊臣平日訓練何事殊可痛恨若各處
士馬器甲本少乘機開銷亦屬有之併凌城所失
營兵班軍馬匹等項實數還着查明奏來兵馬缺

額自應速補但須將截曠招買月日設法嚴核庶
餉無虛冒該部卽與確議具覆欽此欽遵兵科分
抄到部送司議覆間本月十六日奉本部送准
兵部咨前事內開查得嚴核冒餉事隸戶部煩
照

明旨內事理卽將遼東兵馬一切截曠及招買月日
設法嚴核俾無虛冒仍酌議妥確徑自覆奏等
因到部奉批新餉司查議速行批送到司奉此
相應題覆案呈到部該臣等看得嘗山失利臣

部隨即行開寧薊永等處司道備查損失兵馬
及實在各數目以便題奏發銀未據回報確數
而發餉又難久稽故十月分預奏照九月分之
數題奉

明旨著該撫道查明實在兵馬給發有存剩招補缺
額另貯支用嗣因虜騎西馳遼撫劉宇烈疾呼
告急將關寧十一月分餉銀題明仍照舊劄發
餘鎮止酌減馬乾而已昨預奏閏十一月分餉
始量爲扣減今據巡關御史疏開如寧遠鎮亡

失官兵五千三百九十三員名內除支米不支
銀夷丁一百四十二名馬騾牛二千九百七十
四匹頭隻失利自九月二十七日起算除十月
一月之數計該存廩餉乾銀九千三百八十餘
兩合諸九月內三日截扣九百三十餘兩則約
有貯存銀一萬三百餘兩山海鎮亡失官兵五
千二百七十八員名馬騾一千七百三十四匹
頭隻一月零三日合諸截扣約貯存銀九千六
百餘兩而十一月分銀及米豆尚不與焉雖云

各有招補但必以解驗詳允之後方准開支恐
亦非一猝可齊且凌困三月輓運不通存餉不
貲總使招補數多而餉乾似不慮乏也至永鎮
亡失官兵一千一百七十六員名馬騾四百五
十七匹頭團練吳襄下亡失官兵一百三十七
員名馬二百九十七匹遵化亡失官兵一千六
百一十七員名馬騾七十八匹頭密雲鎮亡失
官兵三百五十六員名馬騾駝一百六匹頭未
知係何營何將所轄應令明白開報截日扣除

再照各鎮舊例兵有開收俱截日扣餉前據寧遠餉司呈稱嘗山陣亡兵馬餉乾九月分應扣三日還官故本部亦以三日截扣但嘗山失利在九月二十七日查九月分之餉十月初發起十月終始完兵馬臨敵恐未必預支今陣亡官兵其有家屬者固當量爲優恤然亦難以盡給歷過之銀其無家屬者尤不得槩爲開銷仍當勒令督撫蚤爲查明

奏報以杜管弁奸胥之混冒者也外解不至月餉

缺額正欲以各鎮損失未補之數餉補濟臣部
仰屋之苦而按臣既不欲臣之截扣又欲以缺
伍之餉供買馬造器之需夫買馬係同寺銀兩
臣部既以缺馬兵丁代爲市造器係水衡金錢
臣部已有分餉二十萬供其乏乃復以正餉之
遺不作正餉開銷而舍已莘人是戶部止任冗
濫之咎不得稍存節約之端揆之理勢人情亦
所不敢受也伏祈

勅下督撫責成司道將各鎮出援損失兵馬營伍及

截扣招補月日逐一查核要見某營于某日陣亡曾否預支有無未領糧餉何日招補中間曠日若干通共一鎮該扣曠銀若干取具確數報部遺存銀兩除招補造支者就中分給餘銀仍克月餉不得別用庶銷算一清而額餉不致旁侵矣既經具題前來相應覆

請恭候

命下臣部移文各該衙門遵奉施行

崇禎四年閏十一月二十二日具

題本月二十九日奉

聖旨凌城嘗山損失兵馬卽著該督撫嚴飭司道備
查營伍及截扣招補月日詳明報部以便稽核銷
算不許延冒滋弊陣亡官兵家屬正宜優卹豈有
歷過月餉不准全給之理還著該撫按會同監視
詳查驗給如有奸弁猾胥混冒侵欺等情定以軍
法從事欽此

覆昌通援兵填食關寧缺伍額餉疏

題爲酌陳昌鎮援兵事宜以祈

聖鑒事專理新餉山東清吏司案呈崇禎四年閏十
一月十二日奉本部送戶科抄出督治昌鎮軍
務兵部右侍郎便恂題前事條議內開一議改
支月餉前准戶部咨稱昌鎮援兵月餉仍在昌
鎮支領但念客兵遠戍望餉倍切必須預解乃
可濟急而當此帑藏匱訕之時戶部不能預發
也兼以道路迢遞轉運艱難稍一愆期無論呼

庚可憂何以收飽騰而資防勦乎况兵馬或有
事故又苦輓長不能稽查在昌解給委多未便
且各兵已補關外招練缺額自有應得之餉自
崇禎五年正月起餉銀相應在彼支領庶士卒
不致饑疲而錢糧亦便綜覈矣等因本年閏十
一月十一日奉

聖旨戶工二部酌議具奏欽此欽遵抄出到部送司
除更調將領兌用甲馬歸併兵馬三款聽兵部
議覆外所有收支月餉一款相應議覆案呈到

部該臣等看得昌鎮調防關寧前作援兵開支
在昌支給月餉在關寧支給行米鹽菜雖參養
有年出防不遠原不當行月兼支而倉卒抽調
不敢以節約褻敵愾今虜警已退汲汲乎補伍
實廩業奉

明旨將通昌援兵填補招練營則此後爲寧遠之兵
月餉自當於寧鎮造支昌鎮解給委有未便卽
食糧則例應聽新撫酌議照關寧例合營一體
開支勿得猶然客主異同而長糜行鹽也昌鎮

如此通鎮亦復如是合依督臣所請通昌援遼
兵馬自崇禎五年正月爲始俱題發寧遠餉司
同招練管兵一例支給展解發不煩而餉無愆
期且免異同之舛望矣既經具題前來相應題
請恭候

命下臣部移文各該衙門遵奉施行崇禎四年閏十
一月二十六日具題本月二十八日奉

聖旨通昌援兵前旨原補關寧錢額該餉司自當照
例給餉不必另議欽此

覆黔楚西兵隨開例支月餉疏

題爲酌定援兵額糧則例以免呼索事專理新餉
山東清吏司案呈崇禎四年閏十一月十二日
奉本部送准順天巡撫傅宗龍咨爲楚餉愆期
楚兵枵腹事據標下中軍署湖廣鎮軍營事副
總兵陳學貫呈前事內稱今春自正日以來陞
續止收過楚餉二萬七千一百九十五兩一錢
二分三厘放至七月不敷分給若非本院軫憐
楚兵接濟軍需銀給放七八月分之餉則鎮軍

兵四五個月無餉矣懇乞俯念遠戍窮兵家鄉
久絕凍餒荷戈懸釜待費卹賞咨文移部具題
急濡涸轍之魚庶卑職無仰屋之憂封疆有累
主之慶矣緣繇到院看得湖廣鎮筸營兵自入
援以來所領之糧悉繇楚省解給緣無考成之
責每至愆期非本院權那接濟其能保無喧索
乎惟是各處援兵食餉俱改支于薊矣獨此楚
兵懸望於數千里之外今枵腹待爨饑寒迫身
故有此比例改支之請也等因到部奉批陳學

貫等援兵行月兼支楚餉不以時至作何斟酌
袁益新餉司速查又據山海道叅政楊嗣昌呈
爲師頻途中望糧孔棘懇乞速發糧餉以免呼
庚事內開止續奉本部劄付遵照題奉

明旨內事理饒勲下官兵在宣已支至十一月胡國
賢下官兵在宣已支至十月終朱化龍下官兵
月餉出自楚省貼防止給鹽菜本部因三營官
兵遠戍已每管每員名借給糧銀一兩五錢三
管布花俱已支過抵關之日該司道查照實在

兵馬數目接算開餉母致虛冒未便等因奉此
該本道遵照備會饒勲等并將三營官兵親詣
逐一查點間又奉本部憲牌給差官朱良佐內
開給饒縣兵營餉銀四千一十四兩西兵營餉
銀一千六百八十六兩又布花銀五百五十八
兩鎮軍營餉銀一千八十四兩五錢又布花銀
三百七十兩八錢牌仰本官協同兵部差官星
夜押運前去薊永等處公同彼處司道分給各
營官兵仍督催刻期啟行取其印信實收據部

查考等因查得算兵黔兵先到關門候餉有日
解銀一到隨卽具領黔兵營照數領餉銀四千
一十四兩算兵營照數領餉銀一千八十四兩
五錢又布花銀三百七十兩八錢俱各赴差官
見發取領在案其胡國賢西兵後到除脫逃不
領外實在官兵九百三員名止領餉銀一千四
百一十二兩又布花銀四百四十兩亦取領在
案尚有餘剩銀兩據鎮算營將朱化龍會稱萬
里遠征欠餉七月且二部解到坐餉一千八十

四兩五錢尚少實在應領銀七十四兩四錢合
無將西兵支剩銀三百九十二兩八錢借給本
營湊分各兵少需涓滴本道隨取印領掛發外
看得客兵抵關有勞當念有釁當弭有有餘不
足者當令均停得所此本道責也鎮筸兵楚餉
未到計逋七月而承調赴關踴躍爭先此有勞
當念者也黔兵西兵在途頗聞不戢而今雖已
抵關瞻烏靡定此有釁當弭者也至於同一客
兵而餉或領於

京師或遠在原籍同一主兵而薊永幾有三兩之厚關兵止一兩八錢之薄今調到者撤回者羣萃而處一關多寡相形有無懸絕無均調得所之法實虞虞憂之除實在數目見行嚴查掛欠銀兩具數回報外所望於本部從長計處不分縣算西兵之餉總預發之餉司仍合關門薊永之兵通畫一以計餉庶幾保重地而銷隱憂正在此際等因到部奉批據議極爲有見此兵通以一兩八錢爲主有馬者加二錢而盡除去益

奏行糧名色似爲妥當新餉司查議具題奉此
相應議覆案呈到部該臣等看得胡國賢所領
孫顯祖西兵饒勲所領黔兵朱化龍陳學貫所
領鎮軍兵皆行月鹽菜兼支向時援兵月餉出
自該省本部僅給蔬菜行糧今各省援兵已撤
者撤卽未撤者皆久食部餉惟楚之鎮軍營仍
需楚餉前楚撫魏光緒以措餉之艱疏請補伍
明旨責令照舊解餉今楚之物力旣不能源源而繼
臣部亦不能時爲借給如朱化龍陳學貫各

月餉數月止靠部發鹽菜九錢行米四斗五升
何以療饑合如薊撫及道臣議查照援兵改支
薊餉之例卽依關寧餉額俱定一兩八錢爲準
內本色米五斗作銀四錢願領折色者聽不給
鹽菜有馬者加給二錢俱臣部按月題發該餉
司轉發楚餉可從停免鎮軍兵將與其戀戀
菜懸望未必濟急之楚餉何如徑令鹽菜見得
如期應手之部餉卽胡國賢饒勲兵未免奢望
然行月不許兼支久奉

欽例前七月內本部覈查饒勲孫顯祖在宣支餉疏
內請

命督撫責成該管將領曉諭兵丁每兵每月給一兩
四錢米五斗遇米缺時折銀四錢照開寧例似
爲可久奉

聖旨饒勲透支餉銀截日扣除內有乾沒實跡勘明
并議其改支減額事情該督撫酌妥具奏欽此續
准宣府巡撫沈際咨稱據饒勲酌議回覆報據
以十月初四日爲止照新例減支後因調援未

果夫在宣已照開寧之例豈在開反不照開關之例也惟是人情趨利豐儉相形未免缺望如開兵每月一兩八錢餉至厚也今據關內道詳較行月兼支者而論且云開兵止一兩八錢之薄則人情之垂涎可知矣如許成名補食車兵管貼防冷口不二百里輒支塩菜以至牟文綬王開等兵原議一兩五錢不支塩菜近調防密雲亦欲增支以致薊之團練諸兵原非援兵亦叨援餉誠有如道臣所云同一主兵而薊永開

寧厚薄頓異蓋指行糧鹽菜參差不一而言也
因循不已長此安窮但恐此輩衆願已久未免
戀戀不舍似當

勅令督撫通將開寧勦禾從長酌量次第減損餉額
務期畫一勿致厚薄懸殊而起不平之嗟斯誠
今日之急務也大約鹽菜原爲征行勞苦而設
前虜騎薄城誠不得已而用之今或遇離信出
防照舊餉入衛之例每日或一分二分以示優
恤又在督撫加意商酌不得徒以煦煦滋耗觀

亦不得輒以部題激衆怨者矣既經咨呈前來
相應覆

請恭候

命下臣部移文各該衙門遵奉施行

崇禎四年閏十一月二十六日具

題本月二十九日奉

聖旨這鎮守兵餉依議部發并西黔兵俱照關門額
例一體支給其開門餉永各兵該部會同兵部速
遵前旨通長打算援防應補應併確有定議則餉

額自當畫一不必逐事條覆徒滋紛擾欽此

覆寧鎮月米改折省銀充餉疏

題爲米折隨時給發稍省涓滴以助軍需事專理
新餉山東清吏司案呈崇禎四年閏十一月十
六日奉本部送據寧前兵備僉事陳新甲呈前
事內開案蒙本部劄付給發秦兵月米四萬石
議折餉銀三萬二千兩發解來寧通融抵給本
道遵奉在案除秦兵支過折色銀二千五百一
十七兩六錢三厘二毫外尚存庫銀二萬九千
四百八十二兩三錢九分六厘八毫因奴犯前

銚錦資松三城天津二運三運不敢登岸本道
隨以折色申詳撫院折給前銚三月况遼地土
產菊粟和遼兵利於食鮮但所折價原係每石
八錢今酌時值止給六錢所省二錢以助軍需
各營兵亦忻忻願領本道雖不敢以節省之名
剝衆兵應得之餉而第以現在之銀使其自易
實得之粟亦官民兩便之道也總計折色米四
萬石除折給秦兵每石八錢共發過銀二千五
百一十七兩六錢零其餘一萬九千餘兩折給

遼兵每石省銀二錢通共省銀七千三百七十七兩五錢九分六厘目前軍需甚急以此稍助涓滴是亦本道區區泰山土壤之意俟動支完日呈報本部開銷等因到部奉批以放秦兵之折色而放及遼兵每石省銀二錢具見該道調停樽節之妙節省銀七千三百兩零卽充月餉不敷之用據稱軍需是否月餉若他用則非本部所與知也關外各兵利於得折而海運擾擾逐月放本祇覺勞費太甚耳據詳具識人情所嚮

以後每年放折兩三月所省多矣新餉司酌議具題奉此案查先該寧鎮兵道餉司呈稱秦翼明兵約近萬人歲該本色米六萬五千石內該本部議折給四萬石通融搭放共該銀三萬二千兩該本部於七月初九日劄發一萬兩委官王一芳等領運又於八月十四日劄發銀二萬二千兩委官馮養正領運俱已完訖隨據該鎮回報秦兵奉調防薊則本部前發米折銀三萬二千兩似可作寧鎮通放折色一月之用不得

輒有更張計該鎮一月存省本色米若干石報部卽作五年該鎮額餉之用俟本部於來歲預計之內卽可少派所省之數且甦召買之困計無善於此者合劄該司道速行查明報部以便酌派呈奉堂批照行在案今據該道冊報折放秦兵米每石八錢共銀二千五百十七兩六錢三厘二毫通折放過寧鎮米銀二萬二千一百一十一兩八錢每石六錢共抵放過米三萬六千八百五十三石一合一勺卽可扣貯原米另

存以抵五年海運之數五年運米卽當如數減
發以省召買其節省剩下列銀七千三百七十兩
五錢九分六厘仍照前議卽充寧鎮月餉案呈
到部該臣等看得寧鎮土宜菊粟海運歲有餘
積若雨暘不愆耕稼無擾每歲夏秋原可通折
三四月以省海運以抵召買今據寧前道報折
放過寧鎮官兵月米三萬六千八百五十三石
一合一勺每石六錢去銀二萬二千一百一十
一兩八錢臣部原發秦兵米折銀三萬二千一

除秦兵每石八錢折放過二千五百十七兩六錢三厘二毫外計寧鎮通折節省存剩銀七千三百七十兩五錢九分零自當抵克月餉卽於應發月餉內扣除庶該道一段節約苦心臣部缺額實資其益矣至改折遺剩米三萬六千八百五十餘石卽可留抵五年海運派額仍於額內撥運薊永稍甦召買轉輸之累五年彷彿此再折所省公私勞費當自不貲雖運委運胥不便而軍糈實大便也再照米賤則各兵樂折色米

貴則各兵樂本色者情也酌量豐歉以通融調劑甘苦而各得是在鎮道之設法樽約不得濫徇耳如永平正苦無米發召買銀一萬兩又苦米價騰踊近撥關門米一萬石畧可濟饑姑令半本半折支持目前待海運通日再計未爲不便秦兵在永月米臣部前已行令該司道止給本色三斗餘米二斗仍照各鎮改折倘此例通行則召買海運所省固不少矣既經該道呈詳前來相應覆

請恭候

命下臣部移文各該衙門遵奉施行

崇禎四年閏十一月二十六日具

題本月二十八日奉

聖旨這寧鎮節存銀兩抵克月餉及改折遺剩下米
數卽抵五年海運派額轉撥薊永俱依議其每年
再折并永平等處還着該道司酌量豐歉隨宜調
劑務使士飽儲裕不必但計節省致悞急需欽此